

## **Deko biigaadeg Moshkinebiigan owi Debwechigewin miinwaa Giizhiikigewin**

### **Ntam Inakaaneziwinan Binoojiinig miinwaa Inodewiziwinan Zhichigewinan miinwaa Jordan ado Naagzowaabmjigewin Maamowi Yaang Dikonigewin**

Owi Gichi Kiing Dibaakonige Gamig maampii Gaanada agii minwaabmdaan maanda wiindamaagewin.

Gewe dekonigejig miinwaa Gaanada agii digoshinoog owi \$20 billion giizhiikigewin maanda maamowi yaang dikonigewin gewe onji Anishinaabe binoojiinig miinwaa aanin ado inodeweziwiniwaan. Giishpin miigsewin, gnimaa gda dibiniwewis owi dibamaadiwin zhiwe maanda Giizhiikigewin.

Maanda wiindamaagewin miigwemigad gikendamowin owi dikonigewin miinwaa owi giizhiikigewin. Woshme miziwe gikendamowin temigad waasamo asabi mazinigan maampii. Gdaa bozibiige awii debinaman shki windamaagewinan owi dibageese dibamaadiwin eni piichitaamigag zhiwe naasaab aankaabiisijiganing.

Maanda wiindamaagewin gmiinigwan zhisewin awii bimidiziyyin (zagijibiwidiziyyin) owi maamowi yaang dikonigewin. Gda gajibiwidis goweta owi maamowi yaang dikonigewin giishpin dowendiziyyin dibamaadiwin zhiwe giizhiikigewin miinwaa agaa majinigwo owi giizhiikigewin.

***Giishpin dowendaman awii shkwiiyin zhiwe maamowi yaang dikonigewin miinwaa miigsewin awii niindaawewin gagwedwewin owi dibamaadiwin zhinda giizhiikigewin, gaawii memkaach gego gda zhichigesii nongo.***

Giishpin dowendaman naadmaagewin woshme weweni awii nisastaman maanda wiindamaagewin, temigad waazhi giigidowin gikendamowin maampii niisawiing. Gdaa zhitoon onaakinigan awii ginonad gwaya age nisastamonig owi wiindamaagewin miinwaa nakwetang gdo gagwedwewinan.

### **Wegnesh owi maamowi yaang dikonigewin yaawong?**

Owi maamowi yaang dikonigewin wiindamaagemigad onji Ishkigamizige-giizis 1, 1991 apiinish Onaabidin-giizis 31, 2022, Gaanada agii bkaan enimaan Anishinaabe binoojiinig endaaajig shkooniganing maage Yukon agaa bimigaaziwaad endaaawaad gewe binoojiin azhiwenjige nankiiwinan bembideg zhiwe Anishinaabe odenwinan miinwaa agii zhisijigaaziwaad zaagiji endaaawaad minigewin.

Owi maamowi yaang dikonigewin age digosinon gagwedwewinan biitiwiwiing 1991 miinwaa Baashkaakodin-giizis 2, 2017, Gaanada agii bwaaniwitoon awii miigwed (maage agii bwaatawi miigwed) nendowendaagwog zhichigewinan gewe Anishinaabe binoojiinig agaa debiwechigaadeg mineziwaad newen nendowendaagwog zhichigewinan. Maanda dodaagewin agii bkaan enjigaaziwog gewe binoojiinig miinwaa biigibidon owi onashowe naaknigewin ezhi gikenjigaadeg Jordan ado Naagzowaabmjigewin.

### **Gdo digoyaa ana owi maamowi yaang dikonigewin?**

Gagwech gwa, gdo digoyaa zhiwe maamowi yaang dikonigewin giishpin aawiyin bezhig ninda eni zhibiigaadegin wiijii-ewin.

**Aginzowin 1:** Anishinaabe binoojiinig endaaajig shkooniganing maage Yukon agaa bimigaaziwaad endaaawaad gewe binoojiin azhiwenjige nankiiwinan miinwaa agii zhisijigaaziwaad ogimaa biminigaaziwaad, biminigaazad bkaan wiigwaaman maage maamowi daang wiigwaaman manji gwa apii biitiwiwiing Ishkigamizige-giizis 1, 1991 apiinish Onaabidin-giizis 31, 2022. Maanda wiijii-ewin age digoyaawog Anishinaabe binoojiinig gaawii agaa daasiwaad shkoniganing dash wiigwa bezhing ado gitiziimiwaan gagwech agii daawon shkoniganing owi apii agaa bimigaaziwaad endaaawaad.

**Aginzowin 2:** Anishinaabe binoojiinig (adaawaad neniish gwa shkoniganing miinwaa zaagiji shkonigan) agaa debiwechigaadeg mineziwaad newen nendowendaagwog zhichigewinan dash agii nakweshkaanaa-aa bwatawindaagwin, aagonotaadiwin maage zhichigewin dawaag owi onji nendowendaagwog zhichigewin biitwiwiing Ishkigamizige-giizis 1, 1991 miinwaa Baashkaakodin-giizis 2, 2017;

**Aginzowin 3:** Gewe gitiziimiwaan, gikaawinan maage odowemaawaan owa bezhig bemaadizid maampii shpiming ezhibiigaazad.

Woshme dibaajimowin owi e' digoyaad zhiwe maamowi yaang dikonigewin adaa makigaademigad maampii.

### **Wegnesh owi enaaknigaadeg giizhiikigewin?**

Gewe dekonigejig miinwaa Gaanada agii bezhigwendamog owi giizhiikigewin nendowendaagwog owa Gaanada dibaged \$20billion zhiwe dibagese dibamaadiwin. Owi giizhiikigewin aabdeg ada minwaabmjigaade owi dibaaknige gaamig jibwaa maajiizhkaamigag.

Giishpin owi giizhiikigewin minwaabmjigaadeg owi dibaaknige gamig, ensa bezhing agaa bimigaazad ezhi biigaadeg zhiwe Aginzowin 1 gnimaa ada debinaan \$40,000 maage woshme owi dibagese dibamaadiwin penmandaagwog owi minik bemaadizijig menwaabmjigaaziwaad awii debinamiwaad dibagese dibamaadiwin. Gitiziingejig maage gikaawinan agaa naagidowenimaawaad owa bemaadizid zhiwe Aginzowin 1 owi apii owi bimigaazad gnimaa age adaa dibiniwezizog owi apiinish \$40,000 maage owi memaanji niibna owi \$60,000 newen dibaaknigewinan owi woshme bezhig agaa bimaagaazijig binoojiinig. Odowemaawaan owa agaa bamigaazad binoojiin gaawii ada dibiniwezizizog gego dibamaadiwin zhiwe giizhiikigewin.

Ensa bezhig bemaadizid zhiwe Aginzowin 2 age:

- (a) gwenawi temigag misenjigewin owi, maage agaa nakweshkamowaad aagonotaadiwin maage zhichigewin dawaag awii debinamiwaad nendowendaagwog zhichigewin agaa debiwechigaadeg agii mineziwaad biitwiwiing Manido-giiziisons 12, 2007 miinwaa Baashkaakodin-giizis 2, 2017 (zhiwe Jordan ado Naagzowaabmjigewin) dibiniwezizog awii debinamiwaad dibagese dibamaadiwin. Gewe agaa gichi madookidaaziwaad owi onji gnimaa adaa debinaa-naa-aa \$40,000 maage woshme. Aanin bekaanzijig gnimaa adaa debinaanaa-aa nondaj \$40,000 minwaa apiinish \$40,000, penimandaagwog minik gagwedwejig menwaabmjigaaziwaad. Owi gegeti minik ensa bezhig bemaadizid age debinang gaawi mashi gikenjigaadesino baamaapii aawong apii gikenjigaadeg minik bemaadizijig ezhitowaad gagwedwewin gikenjigaadeg.

### **MAAGE**

- (b) gwenawi temigag misenjigewin owi, maage agaa nakweshkamowaad aagonotaadiwin maage zhichigewin dawaag awii debinamiwaad nendowendaagwog zhichigewin agaa debiwechigaadeg agii mineziwaad biitwiwiing Ishkigamizige-giizis 1, 1991 miinwaa Manido-giiziisons 11, 2007 dibiniwezizog awii debinamiwaad dibagese dibamaadiwin. Gewe agaa gichi madookidaaziwaad owi onji gnimaa adaa debinaa-naa-aa \$20,000 maage woshme. Aanin bekaanzijig gnimaa adaa debinaanaa-aa nondaj \$20,000 miinwaa apiinish \$20,000, penimadaagwog minik gagwedwejig agaa minwaabmjigaaziwaad. Owi gegeti minik ensa bezhig bemaadizid age debinang gaawi mashi gikenjigaadesino baamaapii aawong apii gikenjigaadeg minik bemaadizijig ezhitowaad gagwedwewin gikenjigaadeg.

Genowenjigejig gitziiman(waan) maage gewe genowenjigejig gikaawinan gewe bemaadizijig zhiwe Aginzowin 2 agaa moshtowaad memdage gichi zinaagiziwin gnimaa adaa dibiniwezizog owi dibagese dibamaadiwin, zhiwe Aginzowin 3.

Zhoonyaa minik \$50 million ada maajitaachigaade awii naadmaagaaziwaad Anishinaabe binoojiinig miinwaa inodewiziwanan agaa madaaokidaagaaziwaad owi Gaanada bkaan enjigewin.

### **Wegnesh yaawong ndo wenaamjiginan?**

1. **Shkiwii-aan zhiwe maamowi yaang dikonigewin:** Giishpin dowendaman awii shkwiwin zhiwe maamowi yaang miinwaa miigsewin awii niindaawewin gagwedwewin owi dibamaadiwin zhiwe owi giizhiikigewin, gaawii gdo dowendaagozisii gego awii zhichigewin nongo megwaa.
2. **Bimidiziiyin owi maamowi yaang dikonigewin (zaagibiiwidiziiyin):** Giishpin dowendiziiyin awii wiiyyaawin zhinda maanda maamowi yaang dikongewin, miinwaa gaawii gdo dowendiziin awii debinaman dibamaadiwin zhiwe giizhiikigewin, aagdeg gwaa gwii bimidis owi niindaawewin Zaagijibiiwidiziiyin Moshkinebiigan jibwaa maanda apii:

**Mkwa-giizis 19, 2023.**

### **Giishpin niindaawewin owi Zaagijibiiwidiziiyin Moshkinebiigan, gaawii aga debinaziin dibagese dibaamaadiwin onji owi giizhiikigewin.**

Awii bimidiziiyin owi dikonigewin, aga bigosenimigwo awii zhaawin [www.fnchildcompensation.ca](http://www.fnchildcompensation.ca) awii moshkinebiiman miinwaa niindaawewin owi Zaagijibiiwidiziiyin Moshkinebiigan waasamo biiwaabikonsing mazina-igan, maage niindaawen naasaabii igan owi Zaagijibiiwidiziiyin Moshkinebiigan odi PO Box 7030, Toronto ON M5C 2K7 maage waasamo biiwaabikoons zhibiigan odi [fnchildclaims@deloitte.ca](mailto:fnchildclaims@deloitte.ca) maage mazinaakizigan naandaaweng odi 416-815-2723 gagwedwewin awii bimigowin maanda maamowi yaang dikonigewin. Miinwaa age gdaa debinaan naasaabii'igan owi Zaagijibiiwidiziiyin Moshkinebiigan owa Naagaanzitang giigidowin 1-833-852-0755.

Owi shkwaach giizhigad awii niindaawewin owi Zaagijibiiwidiziiyin Moshkinebiigan miinwaa bimidiziiyin owi dikonigewin aawan

**Mkwa-giizis 19, 2023.**

### **Aaniish giishpin dowendaman awii aanwaabmdaman maage gego awii kidiyin owi giizhiikigewin.**

Owi Gichi Kiing Dibaaknige Gamig ada ayaan bazindaajigewin awii giizhendaman endogwen owi \$20 billion giizhiikigewin miinwaa giigidoninwog engindaasowaad aji minwaabmjigaadegiba. Dinenjigaade owe bizindaajigewin awii temigag **Waabaagbagaa-giizis 19 apiinish 23, 2022** odi Ottawa, dash wiigwa gnimaa owi apii awaa temigag gnimaa adaa anjiseemigad. Giishpin aanjichigaadeg owi giizhigad, shki giizhigad ada aasaakwagaade maampii. Booziibiigen maampii awii debinaman wiindamaagewin waasamo biiwaabikons zhibiigan wegwen gego aanjichigaademigag owi bazindaajigewin giizhigad miinwaa/maage ngoji awii temigag.

Owi bizindaajigewin ada temigad bemaadizijig yaawaad maage waasamo biiwaabikonsing ada mazinaatesin. Moshkin awaa dazhinjigaadeg owi bazindaajigewin ada masinaakogaade maampii.

Gaawii memkaach gdaa zhaasii enji bazindaajigewin maage awii miigwewin enendaman owi giizhiikigewin awii miigsewin awii debinaman dibagese dibamaadiwin.

Giishpin dowendaman awii aanwaabmdaman maage gego awii kidiyin owi giizhikigewin maage giigidoninwog engindaasowaad, gdaa-aanan niish wenaamjigewinan:

1. **Aanwaabmdan maage miigwen enendamin zhibiigewin:** Gdaa niindaawenan wegwen enendaman zhibiiman odi

PO Box 7030, Toronto ON M5C 2K7 maage [fnchildclaims@deloitte.ca](mailto:fnchildclaims@deloitte.ca). Gdo indendamowin e'zhibiiman ada niindaawen odi Gichi Kiing Dibaaknige Gamig jibwaa bizindaajigeng.

2. **Aanwaabmdan yaayin zhiwe:** Gagwedwen awii giigidowin enji dibaaknigeng owi enaaknigaadeg giizhiikigewin maage giigidoninwog engindaasowaad owi apii Waabaagbagaa-giizis 19 apiinish 23, 2022, wegwen gwan yaayin zhiwe odi Gichi Kiing Dibaaknige Gamig odi Ottawa maage waasamo biiwaabikoong mazinaatesing dazhinjigewin.

Giishpin dowendaman awii aanwaabmdaman, aabdeg aga niindaawen ezhibiiman inendamowinan maage gagwedwen awii dinaangidonan enji dazhinjigeng jibwaa

**Waabaagbagaa-giizis 12, 2022.**

### **Canadian Bemaadizijig Dibiniweziwinwaa Dikaaknige-abiwin dibagese**

Owi giizhiikigewin owi dikonigewin age ada nda gikenjigaademigad gewe owi Canadian Bemaadizijig Dibiniweziwinwaa Dikaaknige-abiwin (Dibaaknige-abiwin). Owi Dikaaknige-abiwin ado nda gikenjigewin dinenjigaademigad awii giishichigaadeg jibwaa owi bizindaajigewin odi Gichi Kiing Dibaaknige Gamig.

Owi Dikaaknige-abiwin ada gagwejimigaazaa awii zhitood naaknigewin owi \$20 billion giizhiikigewin owi dikonigewin minwendaan owi ado ntam dibagese dibamaadiwin naakinigewin azhide Gaanada (2019 CHRT39). Giishpin owi Dikaaknige-abiwin makang owi

\$20 billion giizhiikigewin mimwenjigaadeg ado dibagese dibamaadiwin naaknigewin azhidi Gaanada, dash owi \$20billion giizhiikigewin ada naabshkaan owi dibagese dibamaadowin naaknigewin, miinwaa gaawii aga bagidinigosii awii gagwedwewin dibamaadiwin zhiwe owi Dikaaknige-abiwin ado naaknigewin. Miinwaa age, giishpin owi Dikaaknige-abiwin makang owi \$20 billion giizhiikigewin maanda dikonigewin minwenjigaadeg dibamaadiwin, miinwaa giishpin owi Gichi Kiing Dibaaknige Gamig minwaabmdang owi giizhiikigewin, dash gaawii aga gashkitosiin awii gagwedwewin dibagese dibamaadiwin zhiwe owi Dikaaknige-abiwin ado dibagese dibamaadiwin waa-aaj gwa giishpin zaagjibiiwidiziyin maanda dikonigewin.

Giishpin owi Dikaaknige-abiwin gaawii mikazig owi giizhiikigewin minwenjigaadeg owi dibagese dibamaadiwin naaknigewin, dash owi giizhiikigewin ada ekwaasemigad miinwaa owi Waabaagbagaa-giizis bazindaajigewin zhiwe Gichi Kiing Dibaaknige Gamig gaawii ada tesino. Giishpin owi zhiwebak, aga debinaan miinwaa aanke wiindamaagewin.

Adaa zhiwebad gwa aanin bemaadizijig e'dibiniwewiziwaad owi dibamaadiwin zhiwe owi Dibaaknige-abiwin ado dibagese dibamaadiwin, memdage agwa gewe bemaadizijig zhiwe Aginzowin 3 maampii shpiming, gnimaa gaawii adaa debinaziinaa-aa gagwek dibagese dibamaadiwin zhiwe owi giizhiikigewin maanda dikonigewin, maage gnimaa woshme bangii zhoonyaa adaa debinaanaa-aa dash owi e'dibiniweziwaad zhiwe owi Dikaaknige-abiwin ado dibagese dibamaadiwin.

### **Gego ana tenoon maanaaji zhiwebiziwinan shkwiing zhiwe maamowi yaang dikonigewinan?**

Owi shkwiing zhiwe maamowi yaang dikonigewin, aga miigse awii niindaawewin gagwedwewin owi dibagese dibamaaniwin. Dash wiigwa, shkiiwin zhiwe maamowi yaang dikonigewin gaawii aga gashkitosiin awi dikonad Gaanada. Yaa-aabi gwa gdaa dikonaa nankiiwin, bemini-aawisad gitizim maage maamowi daang wiigwaam. Gaawii maamdaa awii gagwedwewin owi Dikaaknige-abiwin ado dibagese dibamaadiwin onji dibagese dibamaadiwin, naasaab owi bkaan enjigewin dodamowin ayaawang dibaachigaadeg owi maamowi yaang dikonigewin.

### **Wegnesh e'giigidotamowaad owi maamowi yaang?**

Owi maamowi yaang giigidootamaagewog gwanda eni zhibiigaazijig dibaakinigejig: Xavier Moushoom,

Jeremy Meawasige (owa ado dibaaknigewin nyaagdowenimigwad, Jonavon Joseph Meawasige), Jonavon Joseph Meawasige, Ashley Dawn Louise Bach, Karen Osachoff, Melissa Walterson, Noah Buffalo-Jackson (owa ado dibaaknigewin nyaagdowenimigwad, Carolyn Buffalo), Carolyn Buffalo, Dick Eugene Jackson, miinwaa Zacheus Joseph Trout. Owi Assembly of First Nations aawiwog dikaakinigejig gewiinwaa zhinda owi maamowi yaang dikongewin.

Gewe dibaakinigejig giigidotamaagaaziwog naanan giigidoninwog nakiigamgon onji miziwe kamig Gaanada: Sotos LLP, Kugler Kandestin LLP, Miller Titerle + Co., Nahwegahbow Corbiere miinwaa Fasken Martineau Dumoulin LLP.

Gaawii memkaach aga dibamowaasiig giigidoninwog, maage gwayaa bekaaanzid, awii wiiiji-ewin maanda dikongewin maage awii debinaman dibaamaadiwin zhiwe owi giizhiikigewin.

### **Aaniish gewe giigidoninwog agezhi dibamaagaaziwaad?**

Giigidoninwog ada dibamaagaaziwog owi Gaanada. Gaawi gego minik debamaagaaziwaad giigidoninwog ada bamigaadesino zhiwe owi \$20 million giizhiikigewin maage newen dibagewinan maanigaaziwaad maamowi yaang waajii-ejig.

Owi minik zhoonyaa gewe giigidoninwog age dibamaagaaziwaad ada nakomidiwinigaade biitwi dikonige giigidoninwog miinwaa Gaanada. Giishpin bezhigwendamowaad owi minik nangdaasowin, dash gewe giigidoninwog ada gagwejimaa-aan Dibaaknige Gamig awii minwaabmdamiwaad owi minik engindaasowaad odi owi bizindaajigewin enaakinigaadeg apii Waabaagbagaa-giizis 19 apiinish 23, 2022.

Woshme dibaajimowin newen onashowe enigindeg age gagwedweng ada mazinaakogaadenon zhinda owi nakomidiwin giizhiitaamigag.

### **Yaa-aabi ana gdo dowendaan gikendamowin owi maamowi yaang dikongewin maage owi giizhiikigewin?**

Woshme gikendamowin owi dibaaknigewin adaa makigaademigad odi [www.fnchildcompensation.ca](http://www.fnchildcompensation.ca)

Gaminezin ana aasgaabiwitaagewin maage naadmaagewin?

Aasgaabitaage zhichigewinan temigadoon ginonind owa Gagwedwewinan Naagaanziitang odi 1-833-852-0755. Giishpin moozhitowin animendaman miinwaa dowendaman awii ginoonad ginoondaaged, aga bigosenimigwo awii giigidawin owi Hope for Wellness Helpline od 1-855-242-3310, maage maajibijigen zhinda awii dinaangidonan.

**Woshme gego awii gikendaman gdo wenaamjiganan miinwaa awii gikendaman endagwen aji digoyaayin, aga bigosenimigwo awii zhaawin: [www.fnchildcompensation.ca](http://www.fnchildcompensation.ca) maage giigidan odi 1-833-852-0755.**

Woshme gego awii gikendaman owi giizhiikigewin miinwaa gdo wenaamjiganan, aga bigosenimigwo awii ginoonad owa Gagwedwewinan Naagaanziitang odi 1-833-852-0755.